



Inatsisartuni ilaasortaq, Anders Olsen
Siumut

Mittarfiit pillugit § 37 naapertorlugu apeqquteqaammut akissut

17-09-2018
Suliaq normu: 2018-16680
Allakkiaq normu: 33238188

Asasara Anders Olsen

Inatsisartut suleriaasianni § 37 naapertorlugu apeqquteqaammik nassiussaqaqputit.
Apeqquteqaatit uannut akisassanngorlugu innersuunneqarpoq.

Postboks 909
3900 Nuuk
Tlf.: (+299) 34 50 00
E-mail: box909@nanog.gl
Fax: (+299) 34 63 56
www.naalakkersuisut.gl

Apeqqut 1: Kalaallit Nunaanni mittarfinni 13-iusuni tamani milernermi regularitet qanoq isikkoqarpa? Taanna liste-nngorlugu illoqarfikkaarlugu procent-inngorlugu qanoq isikkoqarpa?

Akissut:

Ataatsimut isigalugu mittarfiit isuini minnissamut pissutsit pitsaanerpaaffigisaanni piffissaq eqqorlugu mittarnerit allanneqarput.

Piffissaq eqqorlugu mittarnerit, mittarfiup isuata aappaatigut mittarnerit naatsorsorneqartut ungaluuserneqarput, soorlu mittarfiup isuanut minniarluni kaajalukaartarneni.

Ilulissat (840m)	94,5 % (88 % miss.)
Kangerlussuaq	99,8 % (90 – 95 %)
Nuuk (950m)	89,9 % (88,8 %)
Narsarsuaq	78 % - 89 %
Paamiut	85 % (84 %)
Maniitsoq	79 % (77,5 %)
Sisimiut	88 %
Aasiaat	89 %
Qaarsut	81 %
Upernavik	81 % (77 %)
Qaanaaq	88 %
Kulusuk	Paasissutissat pissarsiarineqarsinnaanngillat
Nerlerit Inaat	Paasissutissat pissarsiarineqarsinnaanngillat

Kisitsisit tamarmik Inuplan-imit naatsorsorneqarput.

Skemami kisitsisit tassaapput sila peqqutigalugu piffissamik eqquinani minnerni, maleruagassani minnerpaaffissat malillugit nuissat portussusaat isikkivillu ajoqutaatinngit missinnaanermi piffissamut atorneqartumut naatsorsukkat.

Taamaattumik sila peqqutigalugu piffissamik eqquisinnaannginneq sullissisup sullissinerinut naammassineqartunut paarlaanneqassanngilaq, taakkunani angallavinnut pilersaarusiornerit ullup unnuallu ingerlanerini silap pissusaannut eqqarsaatigalugu, tassanilu pingaartumik isikkivik nalinginnaasunut naleqqussarneqarsimanissaat naatsorsuutigineqarmat.

Apeqquut 2: Air Greenland-ip ukiuni kingullerni tamani kinguaattoorneq peqqutigalugu qanoq annertutigisumik aningaasartuuteqarsimava? Ukiut tallimat kingullit ukiut immikkoortillugit oversigt-inngorlugit illoqarfikkaarlugillu pineqarsinnaava? Taamaassappat tamanna takorusunnarpoq.

Akissut: Naalakkersuisut aktianik piginneqatigiiffimmi namminersortumi aningaasaqarnermut pissutsinik taaneqartunik ilisimasaqanngillat.

Apeqquut 3: Timmisartut Twin Otter-it 19-inik ilaasoqarsinnaasut nutaajunerusut isumannaallisaaneq eqqarsaatigalugu, ujaraaqqanik qallikkanut minnerpaamik qanoq takitigisumut mittarsinnaanissaat piumasaqaataava?

Akissut: Naalakkersuisut timmisartut Twin Otter-it 19-inik ilaasoqarsinnaasut mittarfimmut ujaraaqqanik qallikkamut minnissaannut takissusissat minnerpaaffissaat pillugit paasissutissanik peqanngillat.

Ataatsimut isigalugu mittarfiit takissusissaannut pisariaqartitat ilaatigut timmisartup ilusaa minnerminilu oqimaassusaa apeqqutaasussaapput. Timmisartup minnermini oqimaassusaanut ilaasut amerlassusaa, nassatat annertussusaa aammalu ikummatissap annertussusaa il.il. apeqqutaasarput. Taakku saniatigut anori, kiassuseq mittarfiullu qalliutaa timmisartup tinginissaanut minnissaanullu takissusissanut piumasaqaatinut sunniuteqartarput.

Apeqquut 4: Timmisartut King Air-it 9-nik ilaasoqarsinnaasut aammalu ambulancefly-tut atorneqartartut nutaajunerusut isumannaallisaaneq eqqarsaatigalugu, ujaraaqqanik qallikkanut minnerpaamik qanoq takitigisumut mittarsinnaanissaat piumasaqaataava?

Akissut: Naalakkersuisut timmisartut King Air-it mittarfinni ujaraaqqanik qallikkani pisariaqartitaannik ilisimasaqanngillat, kisiannili ilisimatitsissutigineqarsinnaavoq, Air Greenlandip timmisartua King Air mittarfimmi asfaltimik qallikkami takissuseq 800 meteri pisariaqartimmagu.

Apeqquut 5: Ujaraaqqanik qallikkanik mittarfiliornissat pillugit suliat sumut killippat? Naalakkersuisut 2019-imut aningaasanut inatsisissamut qanoq annertutigisumik mittarfeqqat pilersinnissaannut immikkoortitsiniarpat?

Akissut: Aalajangiinissamut tunngavissiaq Naalakkersuisunit politikkikkut suliarineqareerpat, Inatsisartut suliaq pillugu ilisimatinneqarumaarput.

Sanaartorneq ingerlaqqissanersoq paasisaqarnissap tungaanut aningaasanut inatsimmi aningaasaliisarnermut aningaasaleeriaaseq marlunnut avitaq malinneqassaaq, piffissamullu matumunnga pilersaarusiornissamut aningaasanik immikkoortitsisoqarsimavoq. Misissueqqaarnissamut aningaasartuutit 2018-mut

aningaasanut inatsimmi konto pingaarneq 87.11.09 aamma 87.73.20 aqutigalugit akilerneqassapput.

Inussiarnersumik inuulluaqqusillunga


Simon Simonsen